

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ**  
**ԷԿՈՆՈՄԻԿԱՅԻ ՆԱԽԱՐԱՐՈՒԹՅԱՆ**  
**ՍՏԱՎՈՐ ՍԵՓԱԿԱՆՈՒԹՅԱՆ ԳՈՐԾԱԿԱԼՈՒԹՅԱՆ**  
**ԲՈՂՈՔԱՐԿՄԱՆ ԽՈՐՀՐԻ**  
**Ո Ր Ո Շ ՈՒ Մ**  
**N 103/10**

**Քաղ. Երևան**

**05 մարտի 2010թ.**

Հայաստանի Հանրապետության Էկոնոմիկայի նախարարության մտավոր սեփականության գործակալության բողոքարկման խորհուրդը (այսուհետ՝ նաև բողոքարկման խորհուրդ) հետևյալ կազմով՝ խորհրդի նախագահ Ա.Ֆ.Ազիզյան, անդամներ՝ Ա.Ս.Խաչիկյան, Ա.Ա.Տոնիկյան, Ա.Վ.Բաբայան, Ա.Գ. Շահինյան եւ Ա.Ի.Ղարիբջանյան (քարտուղար), իր 2010թ. մարտի 5-ի նիստում (արձանագրություն N77/9) քննարկեց «Հայատ Քիմյա Սանայի Ա.Շ.» ընկերության ներկայացուցիչ ՀՀ արտոնագրային հավատարմատար Ա. Գալոյանի 2010թ. փետրվարի 03-ի «Բելովո» Սահմանափակ պատասխանատվությամբ ընկերությանը պատկանող «MULPE» (գրանցման համար՝ 14872) բառային ապրանքային նշանի գրանցման գործողությունն անվավեր ճանաչելու վերաբերյալ բողոք:

Բողոքում ներկայացված է, որ Վկայագիր N 6891 «MOLPED» ապրանքային նշանի սեփականատեր՝ Հայատ Քիմյա Սանայի Ա.Շ. (Hayat Kimya Sanayi A.S.) ընկերությանը հայտնի է դարձել, որ Հայաստանի Հանրապետության տարածքում 25.12.2009 թ-ին գրանցվել է «MULPE» (Վկ. N14872) ապրանքային նշանը:

Հայտատուն գտնում է, որ վերոնշյալ ապրանքային նշանը գրանցվել է իր՝ «Հայատ Քիմյա Սանայի Ա.Շ.» ընկերության իրավունքների խախտմամբ, ինչպես նաև «Mulpe» (Վկ. N14872) ապրանքային նշանը շփոթության աստիճան նման է (Վկայագիր N 6891) «MOLPED» ապրանքային նշանին և կարող է մոլորության մեջ գցել սպառողներին, քանի որ «Հայատ Քիմյա Սանայի Ա.Շ.» ընկերության արտադրանքը քաջ հայտնի է սպառողին ողջ աշխարհում, այդ թվում նաև՝ Հայաստանում:

«Հայատ Քիմյա Սանայի Ա.Շ.» ընկերության կարծիքով, վերոնշյալ ապրանքային նշանը չի համապատասխանում գրանցման պահանջներին:

Բողոքը ներկայացրեց կոլեգիայի անդամ պրն.Ա. Բաբայանը, նա նշեց, որ հիմք ընդունելով «Ապրանքային եւ սպասարկման նշանների, ապրանքների ծագման

տեղանունների մասին» ՀՀ Օրենքի 12-րդ հոդվածի 1-ին կետի "ա" ենթակետը եւ «Ապրանքային եւ սպասարկման նշանների հայտերի ձեւակերպման, ներկայացման եւ քննարկման» կարգի 97-րդ կետը «Հայատ Քիմյա Սանայի Ա.Շ.» ընկերության ներկայացուցիչ ՀՀ արտոնագրային հավատարմատար Ա. Գալոյանի կողմից ներկայացվել է բողոք «MULPE» (գրանցման համար՝ 14872) բառային ապրանքային նշանի գրանցման գործողությունն անվավեր ճանաչելու վերաբերյալ:

Պրն.Ա. Բաբայանը նշեց, որ կոլեգիան ուսումնասիրության արդյունքում հանգել է այն եզրակացության, որ գրանցված «MULPE» ոճավորված բառային ապրանքային նշանը ավելի հիշեցնում է «MOLPE»-ի քան «MULPE»-ի, այդ պարագայում, արտասանության ժամանակ բառերը ձայնային առումով նման են:

«Բելովո» ՍՊԸ-ի ներկայացուցչի կողմից հնչեցվեց, որ անհիմն է բողոքարկողի խնդրանքը, քանի որ իրենց կողմից գրանցվել է ոչ թե «MOLPE» այլ «MULPE» ապրանքային նշանը եւ որ «MULPE» ապրանքային նշանի անվավեր ճանաչման հիմքում դրված է բողոքարկողի «MOLPED» ապրանքային նշանի վերջին տառի առկայությունը եւ վիճարկվող «MULPE» ապրանքային նշանի ոճավորված լինելը, որը իրենից ներկայացնում է լատինական այբուբենի ոճավորված տառերով կազմված բառ, որը իր հերթին տալիս է յուրահատուկ պատկերային ընկալում:

Քննարկման արդյունքում բողոքարկման խորհուրդը պարզեց, որ բողոքում նշված ապրանքային նշանում ոճավորված Ս-տառը ավելի նման է Օ տառի քան, Ս-ի, հետեւապես «MULPE» գրանցված ապրանքային նշանը ընկալվում է որպես «MOLPE»:

Հիմք ընդունելով «Ապրանքային եւ սպասարկման նշանների, ապրանքների ծագման տեղանունների մասին» ՀՀ Օրենքի 12-րդ հոդվածի 1-ին կետի "ա" ենթակետը եւ «Ապրանքային եւ սպասարկման նշանների հայտերի ձեւակերպման, ներկայացման եւ քննարկման» կարգի 97-րդ կետը եւ ղեկավարվելով «Ապրանքային եւ սպասարկման նշանների, ապրանքների ծագման տեղանունների մասին» ՀՀ օրենքի 28-րդ հոդվածով, ինչպես նաեւ Հայաստանի Հանրապետության Էկոնոմիկայի նախարարության մտավոր սեփականության գործակալության բողոքարկման խորհուրդ բողոքների եւ դիմումների ներկայացման եւ քննարկման կարգի 74-րդ կետի 1-ին ենթակետով բողոքարկման խորհուրդը

## Ո Ր Ո Շ Ե Ց

Բավարարել «Հայաստ Բիմյա Սանայի Ա.Շ.» ընկերության ներկայացուցիչ ՀՀ արտոնագրային հավատարմատար Ա. Գալոյանի 2010թ. փետրվարի 03-ի բողոքը եւ «MULPE» (գրանցման համար՝ 14872) բառային ապրանքային նշանի գրանցման գործողությունն անվավեր ճանաչել:

Բողոքարկման խորհրդի որոշմանը չհամաձայնելու դեպքում հայտատուն իրավունք ունի որոշումն ստանալու օրվանից վեցամսյա ժամկետում դիմել դատարան:

Բողոքարկման խորհրդի

նախագահ

Ա.Ազիզյան